
Protocol radunonza generala 2024

Datum: Mardis, ils 18-06-2024
Uras: 20.00
Liug: casa da scola, Sumvitg
Perstgisas: Baselgia Andreas, Bearth Andri, Büsser Andrea, Büsser Andres, Columberg Dumeni,
Darms Gieri, Wenzin Placi, Wieland Daniela

Gliesta da tractandas

1. Avertura e beinvegni
2. Elecziun da dumbravuschs
3. Approbaziun dil protocol dalla radunonza generala 2023
4. Rapport digl onn
5. Quen annual
6. Rapport dils revisurs
7. Dar descharscha dalla suprastonza
8. Elecziuns
 - a. president
 - b. suprastonza
 - c. revisurs
9. Contribuziuns da commembradi
10. Varia

1. Avertura e beinvegni

En num dalla suprastonza dall'Uniun Lag Salischinas fa il president Diego Deplazes a tuts in cordial beinvegni alla radunonza generala.

La suprastonza dall'uniun ha clamau alla radunonza generala avon dapli che 10 dis. Ensemen cun l'invitaziun han ils commembers retschert la gliesta da tractandas. Tenor art. 8 dallas statutas dall'uniun ei la radunonza generala consequentamein cumpetenta da decider.

2. Elecziun da dumbravuschs

Sco dumbravuschs vegnan Gian-Andrea Beer e Robert Candinas elegi unanimamein.

3. Approbaziun dil protocol dalla radunonza generala 2023

Il protocol dalla radunonza generala digl onn 2023 vegn approbaus cun engraziament agl actuar Fabian Collenberg unanimamein.

4. Rapport digl onn

Il president presenta il rapport digl onn. El fa suandontas explicaziuns:

- La suprastonza ei s'entupada dapi la davosa radunonza generala treis gadas e la cumissiun Lag Salischinas 9 gadas tier lur sedutas.
- Duront quellas sedutas ha la suprastonza giu la pusseivladad da s'informar ord emprem maun sur dil stan dallas lavurs dil project ed era dar resuns ed inputs. Cunquei che l'uniun ei vinavon representada ella cumissiun cun quater commembers da nossa suprastonza ei l'uniun datier allas decisiuns ed il meini da noss'uniun ei vinavon representaus bein ellas lavurs da project.
- Detagls tier il stan dallas lavurs vegnan explicai en la secunda part da dalla sera e quei tier l'occorrenza d'informaziun dalla vischnaunca en connex cun il project Lag Salischinas ed il stan dallas lavurs.
- Sco gia menziunau en las davosas radunonzas generalas ha l'uniun surtut la rolla da far lavur politica e lavur da perschuasiun e mussar l'impurtonza dil project per in'entira regiun. In'uniun cun in grond diember da commembras e commembers dat tut in'otra legitimaziun, tut in'otra forza e muossa la veglia ed il giavisch da realisar il project innovativ. In'uniun cun rodund 800 commembradis representa la veglia d'ina gruppaziun d'interess rappresentativa.
- L'uniun ha ina buna mischeida da commembras e commembers dallas vischnauncas dalla Cadi, ord l'entira Surselva sco era dall'entira Svizra.
- Il parsura appellescha a tutt as commembras ed a tuts commembers da star fideivels all'uniun ed aschia sustener finanziamein denton era e surtut moralmeins e politicamein la realisaziun dil project.

- Il president ei perschuadius che la rolla dall'uniun ei vinavon impurtonta per il reussir dil project. Surtut cura ch'ei va ella fasa dalla realisaziun ein tuttas commembras e tuts commembers dumandai d'esser activs per la lavur da perschuasiun.
- Sco finiziun engrazia il president allas commembras ed als commembers per il commemoradi, per il sustegn e per la participaziun. Era a als consuprastonts admetta el in grond engraziament per la buna ed emperneivla collaboraziun.

5. Quen annual

Il cassier Guido Wieland presenta il quen annual.

Il quen da gudogn e sperdita siara cun entradas da 25'720 francs ed expensas da 26'342.42 francs aschia ch'ei dat ina sperdita da 594.42 francs.

Il mieds liquids per ils 31-12-2023 muntan 65'819.67 francs ed il dabien dils commembers munta per ils 31-12-2023 190 francs.

6. Rapport dils revisurs

Il revisurs Claudio Cajacob e Willy Decurtins han priu investa dil quen e dalla bilanza e proponan d'approbar il quen da gudogn e sperdita e la bilanza cun engraziament al cassier.

Il quen annual vegn approbaus unanimamein.

7. Dar descharscha dalla suprastonza

La radunonza generala dat discarga alla suprastonza.

8. Elecziuns

La procedura d'elecziun dil president vegn menada digl actuar Fabian Collenberg.

a. President

Diego Deplazes, Rabijs vegn reelegius sco president dall'Uniun Lag Salischinas

b. Suprastonza

Las sutnumnadas personas vegnan reelegidas.

- Fabian Collenberg, Sumvitg
- Guido Wieland, Sumvitg
- Curdin Maissen, Rabijs
- Andreas Baselgia, Rabijs

-
- Luis Beer, Rabijs
 - Andy Monn, Sumvitg
 - Placi Wenzin, Walenstadt

c. Revisurs

Sco revisur ha Willy Decurtins, Rabijs abdicau. Il parsura engrazia ad el per la lavur prestada en favur dall'uniun.

Sco niev revisur e successur stat Davide Beer, Rabijs a disposiziun.

Sco revisurs vegnan Claudio Cajacob, Cumpadials reelegius e Davide Beer, Rabijs elegius.

9. Contribuziuns da commembradi

Tenor art. 8 f) dallas statutas vegnan las contribuziuns fixadas dalla radunonza. La radunonza fixescha las contribuziuns sco suonda:

- | | |
|-----------------------|-------------|
| - personas singulas | frs. 30.-- |
| - famiglias | frs. 50.-- |
| - personas giuridicas | frs. 100.-- |

pagina 4 da 4

10. Varia

Ord il miez dalla radunonza vegn buca fatg diever dalla discussiun.

Il parsura envida cordialmein all'orientaziun publica davart il project Salischinas organisada dalla vischnaunca Sumvitg che ha liug allas 20.00. Cun quels plaid declara el la radunonza per serrada.

Finiziun dalla radunonza allas 19.30 uras

7175 Sumvitg, 20-06-2024

Per il protocol

Igl actuar



Fabian Collenberg